



Na osnovu člana 8. i 15. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine" broj: 49/06 i 51/09), i na osnovu člana 11., 34. i 117. Statuta Grada Zenica ("Službene novine Općine Zenica" broj: 04/08), Grad Zenica putem Službe za privredu, gradsku imovinu i upravljanje razvojem objavljuje

JAVNI POZIV

ORGANIZACIJAMA CIVILNOG DRUŠTVA/NEVLADINIM ORGANIZACIJAMA SA PODRUČJA GRADA ZENICA ZA PREDAJU PRIJEDLOGA PROJEKATA U SKLOPU RASPODJELE BUDŽETSKIH SREDSTAVA ZA 2025. GODINU

Grad Zenica poziva sve organizacije civilnog društva (OCD)/nevladine organizacije (NVO) koje su registrovane za djelovanje na nivou Grada Zenica da dostave prijedloge projekata koji su u skladu sa razvojnim ciljevima, strateškim dokumentima, akcionim planovima i drugim dokumentima Grada Zenica iz sljedećih prioritetnih oblasti:

1. PRIVREDA

- 1.1. Promocija poduzetništva;
- 1.2. Edukacija iz oblasti poduzetništva;
- 1.3. Razvoj i unapređenje turističkih potencijala grada Zenica;
- 1.4. Edukacija iz oblasti savremenih tehnologija;
- 1.5. Organizacija takmičenja iz oblasti savremenih tehnologija;
- 1.6. Organizacija sajmova.

2. POLJOPRIVREDA

- 2.1. Organizacija poljoprivrednih sajmova;
- 2.2. Organizacija kolektivnih nastupa sajmovima;
- 2.3. Organizacija kolektivnih posjeta sajmovima;
- 2.4. Organizovanje izložbi životinja.

I. SREDSTVA PODSTICAJA

Ukupan iznos sredstva namijenjenih za sufinansiranje projekata po ovom Javnom pozivu iznosi **20.000,00 KM**. Maksimalan iznos podsticaja iznosi do **5.000,00 KM** po aplikantu.

Prihvatljivim troškovima smatraju se samo direktni i indirektni troškovi koji su neposredno povezani s provedbom projekta, odnosno ostvarivanjem jednog ili više ciljeva projekta.

Grad zadržava pravo da ne dodijeli sva raspoloživa finansijska sredstva.

II. PRAVO UČEŠĆA

Učešće u Javnom pozivu je otvoreno za sve OCD-e i NVO-e, registrovane do objave Javnog poziva, na području Grada Zenica (udruženje/udruga ili fondacija). Projekat za koji se odobre sredstva mora se implementirati na području Grada Zenica.



Aplikant može aplicirati za dodjelu ukupnog iznosa projekta ili za sufinansiranje projekata odobrenih od strane viših nivoa vlasti i drugih donatora, što je dužan navesti u aplikaciji.

Aplikant može konkurisati samo sa jednim projektnim prijedlogom, a projekat može obuhvatiti jednu ili više prioriternih oblasti, s tim da primarna oblast mora biti jasno naznačena, u skladu sa programskim djelovanjem.

Neadekvatni projektni prijedlozi neće biti uzeti u razmatranje prilikom bodovanja i ocjenjivanja projektnih prijedloga, te isti neće biti finansirani.

NEADEKVATNI PROJEKTI PRIJEDLOZI:

Projekti koji se neće finansirati po Javnom pozivu:

- a) Projekti udruženja koja nisu izvršila svoje obaveze po ranije odobrenim projektima finansiranim iz budžeta Grada;
- b) Projekti koji se odnose na finansiranje redovnih aktivnosti podnosioca projektnog prijedloga ili njihovih partnera;
- c) Projekti koji se baziraju na investicionim ulaganjima, adaptaciji ili izgradnji kapitalnih objekata, ili na kupovinu opreme;
- d) Projekti kojima je predviđen dio administrativnih troškova (ljudski resursi, putovanja/prevoz, kancelarijski troškovi) veći od 25% od ukupnih troškova projekta;
- e) Projekti koji predstavljaju individualna sponzorstva/stipendije za školovanje ili za učestvovanje u radionicama, seminarima, konferencijama, kongresima, trening kursovima i sl.;
- f) Projekti koji su usmjereni prema vjerskim aktivnostima i ciljevima;
- g) Projekti koji su usmjereni prema finansiranju aktivnosti političkih stranaka;
- h) Projekti koji su namijenjeni za isključivu dobit pojedinca;
- i) Projekti koji se zasnivaju na dodjeljivanju sredstava trećoj strani;
- j) Projekti koji na bilo koji način diskriminiraju određenu grupu ili pojedinca;
- k) Projekti čije aktivnosti i djelovanje ne spadaju pod prioriternu oblast za finansiranje koje su obuhvaćene Javnim pozivom.

III. KRITERIJI ODABIRA

1. Pripremljenost projekta u skladu sa zahtjevanim sadržajem programa;
2. Realnost budžeta i vlastito učešće;
3. Mjerljivi efekti kao što su: originalnost u pristupu i učinak projekta na okruženje i zajednicu;
4. Kvalitet javne prezentacije i promocije projekta.



IV. PROVOĐENJE POSTUPKA PO JAVNOM POZIVU

Postupak po Javnom pozivu provest će Komisija imenovana od strane Gradonačelnika.

Komisija će izvršiti rangiranje pristiglih prijava, te sačiniti Preliminarnu listu kandidata koji su ostvarili pravo na podsticajna sredstva i istu objaviti na Oglasnoj ploči Grada Zenica i na web-stranici Grada Zenica.

Učesnici Javnog poziva, koji su nezadovoljni provođenjem postupka i rangiranjem na Preliminarnoj listi mogu u roku od 8 dana od dana objavljivanja Preliminarne liste, uložiti prigovor Komisiji za rješavanje prigovora po Javnom pozivu putem Službe za privredu, gradsku imovinu i upravljanje razvojem.

Nakon razmatranja prigovora, Komisija sačinjava konačnu listu te istu dostavlja Gradonačelniku na potpis. Na osnovu Konačne liste, Grad Zenica će sa odabranim kandidatima potpisati ugovore u kojima će biti regulisana međusobna prava i obaveze.

Komisija zadržava pravo naknadne provjere dokumentacije ukoliko se ukaže potreba kao i mogućnost naknadne dopune dokumentacije u posebnim slučajevima.

U slučaju da se planirana sredstva ne utroše, Grad Zenica može ponoviti Javni poziv.

Kontrolu utroška dodijeljenih sredstava na osnovu ovog Javnog poziva vršit će Služba za privredu, gradsku imovinu i upravljanje razvojem. Ukoliko se ustanovi da se dodijeljena sredstva koriste protivno odredbama zaključenog ugovora, Grad Zenica će raskinuti isti i korisnik će imati obavezu da izvrši povrat cjelokupnog iznosa dodijeljenih sredstava.

Nakon završetka projekta odabrani predlagači su dužni dostaviti Izvještaj o provedbi projekta o namjenskom korištenju dobivenih sredstava najkasnije **do 31.12.2025. godine**.

V. OBAVEZNA DOKUMENTACIJA

Projektna dokumentacija:

- a) Administrativni podaci o podnosiocu prijedloga (Prilog 1) – ovjereno od strane aplikanta (pečat udruženja);
- b) Projektni prijedlog (Prilog 2) – ovjereno od strane aplikanta (pečat udruženja);
- c) Pregled budžeta (Prilog 2.a) – ovjereno od strane aplikanta (pečat udruženja);
- d) Plan aktivnosti (Prilog 2.b) – ovjereno od strane aplikanta (pečat udruženja);
- e) Izjava (Prilog 3.) – ovjereno od strane Službe za opću upravu ili notarska ovjera;
- f) Lista za provjeru (Prilog 4) – ovjereno od strane aplikanta (pečat udruženja);
- g) Izvod iz Registra udruženja i fondacija (ne stariji od 2 mjeseca) - ovjereno od strane Službe za opću upravu ili notarska ovjera;
- h) Rješenje o registraciji organizacije/udruženja (za nositelja projekta/podnositelja i eventualne partnere na projektu) – original ili ovjerena kopija od strane Službe za opću upravu ili notarska ovjera;
- i) Statut organizacije (podnositelj projekta i partneri) - ovjereno od strane aplikanta (pečat udruženja);
- j) Završni godišnji finansijski izvještaj za prethodnu godinu (dokument Bilans stanja i Bilans uspjeha), koji je ovjeren od strane nadležne agencije za finansijsko poslovanje i licenciranog i ovlaštenog knjigovođe - ovjereno od strane aplikanta (pečat udruženja);



- k) Dokaze o izmirenim obavezama po osnovu poreza i obaveznih doprinosa (ne stariji od 30 dana) – original ili ovjerena kopija od strane Službe za opću upravu ili notarska ovjera.

Grad Zenica će službenim putem provjeriti eventualni evidentirani dug organizacije civilnog društva/nevladine organizacije prema Gradu Zenica po osnovu KN i/ili zakupa za poslovne prostore, te ukoliko se utvrdi dug, isti će biti diskvalifikovani.

Obrasci za prijavu na Javni poziv se mogu preuzeti na web stranici Grada Zenica: www.zenica.ba i na Infopultu Grada Zenica.

Grad Zenica ne snosi odgovornost prema učesnicima Javnog poziva u pogledu aktivnosti koje su preduzeli u cilju apliciranja, te zadržava pravo da poništi Javni poziv.

Pitanja u vezi sa Javnim pozivom mogu se postaviti putem e –maila i telefonski i to na kontakte:

Maša Škrbić (e-mail: masa.skrbic@zenica.ba; broj telefona: +387-32-447-691)

Senada Sejmenović (e-mail: senada.sejmenovic@zenica.ba; broj telefona: +387-32-447-708)

VI. NAČIN I ROK PODNOŠENJA PRIJAVA

Ispunjena aplikacija (sa kompletnom zahtjevanom dokumentacijom) mora se dostaviti u jednom primjerku u štampanoj formi i jednoj elektronskoj kopiji (CD ili USB) u zatvorenoj koverti preporučenom poštom ili lično tokom radnih dana (ponedjeljak – petak), u periodu od 08:00 do 16:00 sati, na sljedeću adresu:

Grad Zenica
Služba za privredu, gradsku imovinu i upravljanje razvojem
Trg BiH br. 6,
72 000 Zenica, BiH
sa naznakom:

"Prijava na Javni poziv organizacijama civilnog društva/nevladinim organizacijama sa područja Grada Zenica za predaju prijedloga projekata u sklopu raspodjele budžetskih sredstava za 2025. godinu – NE OTVARATI"

Rok za predaju prijava je **20 dana** od dana objavljivanja Javnog poziva na web stranici Grada Zenica, odnosno do **31.03.2025. godine**. Prijave dostavljene nakon navedenog roka biti će razmatrane jedino u slučaju da poštanski žig ukazuje na datum slanja prije zvaničnog isteka roka. Na poleđini koverta obavezno naznačiti ima i prezime odgovorne osobe koja podnosi zahtjev, adresu i kontakt telefon. Nepotpuna i neblagovremena dokumentacija neće se uzimati u razmatranje.